

nedicto, et Cadalóo falsis Pontificibus fórtiter réstitit : Henricum quartum Germániae regem ab iniquo uxóris divórtio detéruit : Ravennátes ad débita Románo Pontífici obséquia revocátos sacris restítuit. Canónicos Velitérnos ad sanctióriis vitæ leges compósuit. In provincia præsértim Urbináte vix ulla fuit episcopális Ecclésia, de qua Petrus non sit bene méritus; Eugubínam, quam aliquándo créditam hábuit, multis levávit incómmodis : álias álibi, quando opórtuit, perinde curávit, ac suæ essent tutéla commissæ. Cardinalátu, et episcopáli dignitaté depositis, nihil de pristina juvándi próximos sedulitaté remisit. Jejúnium sextæ Fériæ in honórem sanctæ crucis Jesu Christi : horárias beátæ Dei Genitrícis preces, ejúsque die Sábbato cultum propagávit. Inferéndæ quoque sibi verberatiónis morem ad patratorum scélerum expiatiónem provéxit. Demum sanctitaté, doctrína, miraculis, et præcláre actis illústris, dum e Ravennáte lega-

tióne rediret, Favéntiae, octávo Kaléndas Mártii migrávit ad Christum. Ejus corpus ibídem apud Cisterciénses multis miraculis clarum, frequénti populórum veneratióne cólitur. Ipsum Favéntini non semel in præsénti discrimine propítium expéрти patrónum apud Deum delegérunt : Leo vero duodécimus Póntifex máximus Officium Misámque in ejus honórem tamquam Confessóris Pontíficis, quæ álíquibus in diocésibus, atque in órdine Camaldulénsium jam celebrábantur, ex Sacrórum Rítuum Congregatiónis consúlto, áddita Doctóris qualitaté, ad univérsam exténdit Ecclésiám. **R.** Iste est. [78]  
**In iij. Nocturno, Homilia.** Osténdit Dóminus. **de Comm. Doct. j. loco.** [93]  
**Si non venerit in Quadragesima, vel non sit Annus Bissextilis, ix. Lectio erit de Vigilia S. Mathiæ ut in Communi Apostol. [1] de qua fiet Commem. in Laudibus.**

**Oratio.**

**D**A quæsumus omnipotens Deus : ut beátii Mathiæ Apóstoli tui, quam

prævenimus, veneránda solémnitas, et devotió-nem nobis áugeat, et salutem. Per Dóminum nostrum.

**De Vigilia S. Mathiæ in Anno Bissexto, fit die xxiv.**

**Extra Quadr. tres Lect. de Homilia.** Cum cuncta. **ut in Vigilia Apost. [1]**

**In Quadrag. autem de Homilia Fériæ, et nihil fit de Vigilia, nisi in Missa.**

**Annus non Bissextilis Vesperæ de sequenti.**

DIE XXIV. FEBRUARII,  
 VEL XXV. ANNO BISSEXTILI.

**S. Mathiæ**

**Apost. Duplex ij. classis.**



**Omnia de Communi Apostolorum [2] præter sequentia.**

**Oratio.**

**D**Eus, qui beátum Mathiam Apostolorum tuórum collégio sociásti : tribue quæsumus, ut ejus interventióne, tuæ circa nos pietátis semper viscera sentiámus. Per Dóminum.

**Deinde fit Commemor. S. Petri Damiani, quoties non est Bissextilis, Aña. O Doctor. 704. V. Justum.**

**Postea Fériæ in Quadragesima.**

**In I. Nocturno.**

**De Actibus Apostolorum.**

**Lectio j.**

**Cap. j. c**

**I**N diébus illis exsurgens Petrus in médio fratrum, dixit (erat autem turba hóminum simul, fere centum viginti.) Viri fratres, opórtet impléri Scriptúram, quam prædixit Spíritus sanctus per os David de Juda, qui fuit dux eórum, qui comprehendérunt Jesum : qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspensus crepuit médius :



et diffusa sunt omnia viscera ejus.

**R.** Ecce ego mitto vos sicut oves in medio luporum, dicit Dominus : \* Estote ergo prudentes sicut serpentes, et simplices sicut columbæ. **V.** Dum lucem habetis, credite in lucem, ut filii lucis sitis. — Estote ergo.

**Lectio ij.**

**E**T notum factum est omnibus habitantibus Jerusalem ita ut appellaretur ager ille, lingua eorum, Haceldama, hoc est, ager sanguinis. Scriptum est enim in libro Psalmorum : Fiat commoratio eorum deserta, et non sit qui inhabitet in ea : et episcopatum ejus accipiat alter. Opórtet ergo ex his viris, qui nobiscum sunt congregati in omni tempore, quo intravit, et exivit inter nos Dominus Jesus, incipiens a baptis mate Joannis, usque in diem, qua assumptus est a nobis, testem resurrectionis ejus nobiscum fieri unum ex istis.

**R.** Tollite jugum meum super vos, dicit Dominus, et discite a me, quia mitis sum, et humilis corde : \* Jugum enim meum

suave est, et onus meum leve. **V.** Et inveniétis requiem animabus vestris. — Jugum.

**Lectio iij.**

**E**T statuerunt duos, Joseph, qui vocabatur Barsabas, qui cognominatus est Justus : et Mathiam. Et orantes dixerunt : Tu Domine, qui corda nosti omnium, ostende, quem eligeris ex his duobus unum accipere locum ministerii hujus, et apostolatus, de quo praevaricatus est Judas ut abiret in locum suum. Et dederunt sortes eis, et cecidit sors super Mathiam et annumeratus est cum undecim Apostolis.

**R.** Dum steteritis. [10]

**In ij. Nocturno, Lectio- nes. Fundamenta ejus, de Communi Apostolorum ij. loco. [22]**

**In III. Nocturno**

Lectio sancti Evangelii secundum Matthæum.

**Lectio vij. Cap. xj. d**

**I**N illo tempore : Respondens Jesus dixit : Confiteor tibi Pater, Domine caeli et terræ, quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Augustini Episcopi.

**Serm. x. de Verbis Dñi.**



Enite ad me omnes, qui laboratis.

Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invicem angustias? Sed si angustiantur vasa carnis, dilatentur spatia caritatis. Quid ergo dicit, Venite ad me omnes qui laboratis, nisi ut non laboretis? Denique promissio ejus in promptu est, quoniam laborantes volavit. Quarent forte, quare vocati sunt. Et ego vos, inquit, reficiam. Tollite jugum meum super vos, et discite a me, non mundum fabricare, non cuncta visibilia et invisibilia creare, non in ipso mundo mirabilia facere, et mortuos suscitare; sed, Quoniam mitis sum, et humilis corde.

**R.** Isti sunt qui viventes in carne, plantaverunt Ecclesiam sanguine suo : \* Calicem Domini bibent, et amici Dei facti sunt. **V.** In omnem terram exivit sonus eorum,

et in fines orbis terræ verba eorum. — Calicem.

**Lectio viij.**

**M**agnus esse vis? a minimo incipe. Cogitas magnam fabricam construere celsitudinis? de fundamento prius cogita humilitatis. Et quantam quisque vult, et disponit superimponere molem aedificii, quanto altius fodit fundamentum. Et fabrica quidem cum construitur, in superna consurgit : qui autem fodit fundamentum, ad ima deprimitur. Ergo et fabrica ante celsitudinem humiliatur, et fastigium post humilitationem erigitur.

**R.** Isti sunt viri sancti, quos elegit Dominus in caritate non ficta, et dedit illis gloriam sempiternam : \* Quorum doctrina fulget Ecclesia, ut sole luna. **V.** Sancti per fidem vicerunt regna, operati sunt justitiam. — Quorum. Gloria Patri. Quorum.

**Lectio ix.**

**Q**uod est fastigium construendæ fabricæ, quam molimur? quo perventurum est cacumen aedificii? Cito dico, usque ad conspectum Dei. Videt-



tis quam excelsum est, quanta res est conspiciere Deum. Qui desiderat, et quod dico, et quod audit intelligit. Promittitur nobis conspectus Dei, veri Dei, summi Dei. Hoc enim bonum est, videntem videre. Nam qui colunt falsos deos, facile illos vident: sed eos vident, qui oculos habent, et non vident. Nobis autem promittitur visio Dei viventis, et videntis. Te Deum. 20.

**In Quadrag. Lectio ix. de Homilia et Commem. Feriæ in Laudibus.**

**Festa Martii.**

**Ante Quadages. prima die non impedita dicitur Officium Defunctor. [229]**

**DIE IV. MARTII.**

**S. Casimiri**

**Conf. Semiduplex. Omnia de Comm. Conf. non Pont. [97] præter seq.**

**Oratio.**

**D**Eus, qui inter regales delicias, et mundi illecebras, sanctum Casimirus virtute constantiæ roborasti: quæsumus, ut ejus intercessione fideles tui terrena despiciant, et ad cœlestia semper aspirant. Per Dominum.

**In Quadagesima. Commemoratio Feriæ.**

**Postea S. Lucii I. Papæ et Mart. Aña.** Iste sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram.

**℟. Glória et honore.**

**Oratio.**

**D**Eus, qui nos beati Lucii Martyris tui atque Pontificis annua solemnitate lætificas: concede propitius, ut cujus natalitia colimus, de ejusdem etiam protectione gaudeamus. Per Dominum.

**In j. Nocturno, Lectiones de Scriptura occurrente.**

**In Quadrag. Lect. Justus si morte. de eodem Communi j. loco. [100]**

**In II. Nocturno.**

**Lectio ib.**

**C**asimirus, patre Casimiro, matre Elisabetha Austriaca, Poloniæ regibus ortus, a pueritia sub optimis magistris, pietate, et bonis artibus instructus, juveniles artus áspero domabat cilicio, et assiduis extenuabat jejuniis. Regii sprete lecti mollitie, dura cubabat humo, et clam intempesta nocte, præ

fóribus templórum pronus in terra divinam exorabat clementiam. In Christi contemplanda passione assiduus, Missarum solenniis ádeo erecta in Deum mente solébat adesse, ut extra se rapi videretur.

**℟. Honéstum fecit illum Dominus, et custodivit eum ab inimicis, et a seductóribus tutávit illum:** \* Et dedit illi claritatem æternam. **℟. Justum deduxit Dominus per vias rectas, et osténdit illi regnum Dei. — Et dedit.**

**Lectio v.**

**C**atholicam promovére fidem summopere stúduit, et Ruthenórum schisma abolére: quaprópter Casimirus patrem induxit, ut legem ferret, ne schismatici nova templa constrúerent, nec vetera collabéntia restaurárent. Erga páuperes et calamitatibus opprèssos benéficus et miséricors, patris et defensóris egenórum nomen obtínuit. Virginitatem, quam ab incunábulis servávit illæsam, sub extrémó vitæ término fórtiter asséruit, dum gravi pressus infirmitate, mori pótius, quam

castitátis jactúram ex medicórum consilio subíre, constánter decrévit.

**℟. Amávit eum Dominus, et ornávit eum: stolam glóriæ induit eum,** \* Et ad portas paradisi coronávit eum. **℟. Induit eum Dominus lorícam fidei, et ornávit eum. — Et ad portas.**

**Lectio vij.**

**C**onsummátus in brevi, virtútibus et méritis plenus, prænuntiáto mortis die, inter sacerdotum et religiosórum choros spiritum Deo réddidit, anno ætátis vigésimo quinto. Corpus Vilnam delátum multis claret miraculis. Etenim, præterquam quod puélla defuncta vitam, cæci visum, claudi gressum, et várii infirmi sanitatem ad ejus sepúlcrum recuperáruit; Lithuánis exíguo número ad potentíssimi hostis insperátam irruptionem trepidántibus in aere appárens, insígnem tribuit victóriam. Quibus permóvus Leo décimus eúdem Sanctórum catálogo ascrípsit. **℟. Iste homo. [105]**

**In iij. Nocturno, Homilia. Sancti Evangélii, fratres. de Communi. [108]**



In Quadrag. Lectio ix.  
et Commem. Feriæ.

Postea de S. Lucio, Añã.  
Qui odit animam suam in  
hoc mundo, in vitam ætér-  
nam custódit eam.

✠. Justus ut palma.

DIE VII. MARTII.

S. Thomæ de Aquino  
Conf. et Eccl. Doct. Dupl.

Omnia de Comm. Conf.  
non Pont. [97] præter seq.

In utrisque Vesperis, ad  
Magnif. Añã. O Doctor

óptime, Ecclésiæ sanctæ  
lumen, beáte Thoma, divi-  
næ legis amátor, deprecá-  
re pro nobis Fílium Dei.

✠. Amávit eum.

Oratio.

**D**Eus, qui Ecclésiã  
tuã beáti Thomæ  
Confessóris tui mira erudi-  
tióne clarificas, et sancta  
operatióne fecúndas : da  
nobis quæsumus, et quæ  
dócuít, intellectu conspi-  
cere, et quæ egít, imita-  
tióne complére. Per Dó-  
minum.

In Quadrag. Comm. Fe-  
riæ. Postea SS. Martyrum  
Perpetuæ et Felicitatis.

In Vesp. et Laud. Añã.  
Istarum est enim regnum  
cœlorum, quæ contempsérunt  
vitã mundi, et per-  
venérunt ad præmia regni,

et lavérunt stolas suas in  
sanguine Agni.

✠. Glória et honóre co-  
ronásti eas Dómine. ✠. Et  
constituísti eas super ópe-  
ra mánuum tuárum.

Oratio.

**D**A nobis, quæsumus  
Dómine Deus noster,  
sanctárum Mártýrum tuá-  
rum Perpétuæ et Felici-  
tátis palmas incessábili  
devotióne venerári : ut  
quas digna mente non  
póssumus celebráre, humi-  
libus saltem frequentémus  
obséquiiis. Per Dóminum.

In j. Nocturno, Lectiones.  
Sapiéntiam. ut in Com-  
muni Doct. [90]

In II. Nocturno.

Lectio II.



Ræclárum chri-  
stiáni orbis decus  
et Ecclésiæ lumen,  
beatíssimus vir Thomas,  
Landúlpho cómite Aquí-  
nate et Theodóra Neap-  
olitána, nobilibus parénti-  
bus natus, futúrá in Deípá-  
ram devotiónis afféctum  
adhuc infántulus osténdit.  
Nam chártulam ab eo  
invéntam, in qua Salutá-  
tio Angélica scripta erat,  
frustra anniténte nutríce,  
comprésa manu válide  
retínuit, et a matre per  
vim abrèptam, plorátu et

gestu repétiit, ac mox  
rédditam deglutívit. Quin-  
tum annum agens, mó-  
nachis sancti Benedícti  
Cassinátibus custodiéndus  
tráditur. Inde Neá-  
polim studiórum causa  
missus, jam adolésceus  
fratrum Prædicatórum  
órdinem suscepit. Sed ma-  
tre ac frátribus id indigne  
feréntibus, Lutétiam Pa-  
risiórum mittitur. Quem  
fratres, in itínere per vim  
raptum, in arcem castri  
sancti Joánnis perdúcunt :  
ubi várie exagítatus, ut  
sanctum propósitum mu-  
táret, mulíerem étiam,  
quæ ad labefactándam  
eius constántiam intro-  
dúcta fúerat, titióne fu-  
gávit. Mox beátus júve-  
nis, flexis génibus ante  
signum crucis orans, ibí-  
que somno corréptus, per  
quiétem sentíre visus est  
sibi ab Angelis constringi  
lumbos : quo ex témpore  
omni póstea libídinis sen-  
su cárui. Soróribus, quæ,  
ut eum a pio consílio re-  
movérant, in castrum vé-  
nerant, persuásit, ut, con-  
témptis curis sæculári-  
bus, ad exercitatiónem  
cœlestis vitæ se confér-  
rent.

✠. Honéstum fecit illum

Dóminus, et custodívit  
eum ab inimícis, et a se-  
ductóribus tutávit illum :  
\* Et dedit illi claritátem  
ætérnam. ✠. Justum de-  
dúxit Dóminus per vias  
rectas, et osténdit illi re-  
gnum Dei. — Et dedit.

Lectio V.

**E**missus e castro per fe-  
néstram, Neápolim re-  
dúcutur : unde Romam,  
póstea Parísium a fratre  
Joáñne Theutónico, ór-  
dinis Prædicatórum Gene-  
ráli magístro, ductus, Al-  
bértó Magno doctóre,  
philosóphiæ ac theológiæ  
óperam dedit. Viginti  
quinque annos natus, ma-  
gíster est appellátus, pu-  
blicéque philósophos ac  
theólogos summa cum  
laude est interpretátus.  
Nunquam se lectiáni aut  
scriptiáni dedit, nisi post  
oratióne. In difficultá-  
tibus locórum sacre Scri-  
ptúrá, ad oratióne jejú-  
nium adhibébat. Quin  
étiam sodáli suo fratri  
Regináldo dícere solébat,  
quidquid sciret non tam  
stúdio aut labóre suo  
peperisse, quam divinitus  
tráditum accepisse. Neá-  
poli cum ad imáginem  
Crucefíxi veheméntius  
oráret, hanc vocem au-



dívít : Bene scripsísti de me, Thoma : quam ergo mercédem accípies? Cui ille : Non áliam, Dómine, nisi teípsum. Collatiónes Patrum assidue pervolútábat; et nullum fuit scriptórum genus in quo non esset diligentissime versátus. Scripta ejus et multítudine, et varietáte, et facilitáte explicándi res diffíciles ádeo excéllunt, ut ubérrima atque incorrúpta illius doctrína, cum revelátis veritatibus mire conséntiens, aptíssima sit ad ómnium témporum erróres pervincéndos.

✠. Amávit eum Dóminus, et ornávit eum : stollam glóriæ induit eum, \* Et ad portas paradísi coronávit eum. ✠. Induit eum Dóminus lorícám fidei, et ornávit eum. — Et.

*Lectio vj.*

**A** Summo Pontífice Urbáno quarto Romam vocátus, ejus jussu ecclesiásticum lucubravit Ofícium in Córporis Christi solemnitáte celebrándum; oblátos vero honóres, et Neapolítanum archiepiscopátum, étiam deferénte Cleménte quarto, recusávit. A prædicatióne divíni verbi non desisté-

bat; quod cum fáceret per Octávam Paschæ in basilíca sancti Petri, mulierem, quæ ejus fimbriam tetigerat, a fluxu sánguinis liberávit. Missus a beáto Gregório décimo ad concílium Lugdunése, in monastério Fossæ Novæ in morbum incidit, ubi ægrótu8 Cántica canticórum explanávit. Ibidem óbiit quinquagenárius, anno salutis millésimoducétesimo septuagésimo quarto, Nonis Mártii. Miráculis étiam mórtuus cláruit; quibus probátis, a Joánne vigésimo secúndo in Sanctórum número relátus est, anno millésimo tercentésimo vigésimo tértio; translátó póstea ejus córpore Tolósam, ex mandáto beáti Urbáni quinti. Cum sanctis angélicis spirítibus non minus innocéntia quam ingenio comparátus, Doctóris Angélici nomen jure est adéptus, eidem auctoritaté sancti Pii quinti confirmátum. Leo autem decimus tértius, libentíssime excípiens postulatiónes et vota ómnium pene sacrórum Antístitum orbis cathólici, ad tot præcípuè philosophicórum

systematum a veritate aberrántium luem propulsándam, ad incrementa scientiarum, et comúnem humáni géneris utilitatém, eum, ex Sacrórum Rítuum Congregatiónis consúlto, per apostólicas líttéras cœlestem patrónum scholárum ómnium catholicárum declarávit et instituit. ✠. Iste homo. [105]

In iij. Nocturno, Homilia. Osténdit Dóminus. de Comm. Doct. j. loco. [93]

Lectio ix. de Homilia et Commem. Ferie occurrit in Laudibus.

Postea SS. Perpetuæ et Felicitatis, ut supra. 712. Vesp. a Capit. de seq.

DIE VIII. MARTII.

S. Joannis de Deo Confessoris. Duplex.

Omnia de Comm. Conf. non Pont. [97] præter seq. Oratio.

**D**Eus, qui beátum Joán-nem, tuo amóre succénsus, inter flammás innoxium incédere fecísti, et per eum Ecclesiám tuam nova prole fecundásti : præsta ipsíus suffragántibus méritis; ut igne caritátis tuæ vítia nostra curentur, et remédia nobis

ætérna provéniant. Per Dóminum nostrum.

Commem. præced. Añ. O Doctor. 712. ✠. Justum. Postea Ferie in Quadrag. In j. Nocturno, Lectiones de Scriptura occurrente. In Quadrag. Lect. Beátus vir. de Comm. ij. loco. [112]

In II. Nocturno.

Lectio iv.

**J**Oánnes de Deo, ex catholicis piisque paréntibus, in ópido Montis Majóris, junióris regni Lusitániæ natus, quam sublímiter in sortem Dómini fúerit electus, insuéto splendor super ejus domo refúgens, sonítusque æris campáni sua sponte emissus, ab ipso ejus nativitatís témpore non obscúre prænuntiárun. A laxióri vivéndi ratióne, divína operánte virtúte, revocátus, magnæ sanctitátis exhibére spécimen cœpit, et ob auditam prædicatiónem verbi Dei sic ad melióra se excitátum sensit, ut jam ab ipso sanctióri8 vitæ rudiménto consummátum aliquid, perfectúmque visus sit attigísse. Bonis ómnibus in páuperes carcéribus inclútos erogátis, admirábilis pœnitentiæ, suí-



que ipsius contemptus cuncto populo spectaculo factus, a plerisque, ceu demens, graviter afflictus, in carcerem amentibus destinatum conjicitur. At Joannes celesti caritate magis incensus, gemino atque amplo valetudinario ex piolum eleemosynis in civitate Granatensi exstructo, jactoque novi ordinis fundamento, Ecclesiam nova prole fecundavit fratrum Hospitalitatis, infirmis praelaro animarum corporumque profectu intervenientium, et longe lateque per orbem diffusorum.

**R.** Honestum fecit illum Dominus, et custodivit eum ab inimicis, et a seductoribus tutavit illum : \* Et dedit illi claritatem aeternam. **V.** Justum deduxit Dominus per vias rectas, et ostendit illi regnum Dei. — Et dedit.

**Lectio v.**

**P**auperibus aegrotis, quos propriis quandoque humeris domum deferabat, nulla re ad animae corporisque salutem proficua deerat. Effusa quoque extranosocomium caritate indigentibus mulieribus viduis, et praeci-

pue virginibus periclitantibus clam alimenta subministrabat, curamque indefessam adhibebat, ut carnis concupiscentiam a proximis hujusmodi vitio inquinatis exterminaret. Cum autem maximum in regio Granatensi valetudinario excitatum fuisset incendium, Joannes impavidus prosiliit in ignem, huc illuc discurrens, quousque tum infirmos humeris exportatos, tum lectulos e fenestris projectos ab igne vindicavit, ac per dimidiam horam inter flammam, jam in imminsum succrescentes, versatus, exinde divinitus incolumis, universis civibus admirantibus, exivit, in schola caritatis edocens, segniorem in eum fuisse ignem, qui foris usserat, quam qui intus accenderat.

**R.** Amavit eum Dominus, et ornavit eum : stolam gloriae induit eum, \* Et ad portas paradisi coronavit eum. **V.** Induit eum Dominus lorica fidei, et ornavit eum. — Et.

**Lectio vij.**

**M**ultiplici asperitatum genere, demississima obediencia, extrema

paupertate, orandi studio, rerum divinarum contemplatione, ac in beatam Virginem pietate mirifice excelluit, et lacrymarum dono enituit. Denique gravi morbo correptus omnibus Ecclesiae sacramentis rite sancteque refectus, viribus licet destitutus, propriis indutus vestibus e lectulo surgens, ac provolutus in genua, manu et corde Christum Dominum e cruce pendentem perstringens, octavo Idus Martii anno millesimo quingentesimo quinquagesimo obiit in osculo Domini : quem etiam mortuus tenuit, nec dimisit, et in eadem corporis constitutione sex circiter horas, quousque inde dimotus fuisset, tota civitate inspectante, mirabiliter permansit, odorem mire fragrantem diffundens. Quem ante et post obitum plurimis miraculis clarum, Alexander octavus Pontifex maximus in Sanctorum numerum retulit; et Leo decimus tertius, ex sacrorum catholici orbis Antistitum voto ac Rituum Congregationis consulto, coelestem omnium hospitalium et

infirmorum ubique gentium patronum declaravit, ipsiusque nomen in agonizantium litanis invocari praecipit.

**R.** Iste homo. [105]

**In III. Nocturno.**

Lectio sancti Evangelii secundum Matthaeum.

**Lectio vij. Cap. xxij. d**

**I**n illo tempore : Accesserunt ad Jesum Pharisei : et interrogavit eum unus ex eis legis doctor, tentans eum : Magister, quod est mandatum magnum in lege ? Et reliqua.

Homilia sancti Joannis Chrysostomi.

**Homilia lxxij. in Matth.**

**S**Adducæis confusis, Pharisei rursus aggrediuntur; cumque quiescere oporteret, decertare voluerunt : et legis peritiam profitentem praemittunt, non discere, sed tentare cupientes; ac ita interrogant : Quodnam primum mandatum in lege sit. Nam cum primum illud sit, Diliges Dominum Deum tuum : putantes causas sibi allaturum ad mandatum hoc corrigendum, aliquid addendo,